


Phra' kham dé' koon ngaak
go' oor da'

Tang ngwan toong
rwng thuk
thoramaan dé'
Koon Mnut



Gôn kooc: Edward Hughes

Gôn tèèng hruup: Byron Unger; Lazarus
Alastair Paterson

Gôn kdoon: M. Maillot; Tammy S.

Gôn tèèng hrlo': www.Christian-translation.com

Gaay caak: Bible for Children
www.M1914.org

©2022 Bible for Children, Inc.

Sit: Mé ah sit kooc uun lwang gi, 'nay mé am ah sit téc no.




PHRA' CAV GO' KEET MEH
TAAM SWNG! Mwa Phra' Cav
keet meh cmbro' gôn, Adaam,
ge go' blwar da'
Thin dé' Eden yat
broom kmbra'
dé' ge, Eva.



No go' maak srme' hak bo
hrñwam mwa méc krloh srô'
dé' Phra' Cav léh pnklé' dé'
Cav cam môôy mw



"Ah du' Phra'
Cav lav sah ha'
be' lôôc jwm
tuut?" Môôy tô mar go'
maañ Eva. "Í bwan be'
lôôc jwm plé', 'nay am
be' môôy plé'," ba
go' yèh. "An í be'
plé' gni', í ci haan."



"Ge ci am
haan," tô mar go'
hooy-khrayh. "Ge
ci loong lwam keet meh Phra'
Cav." Eva go' cu' an ah plé'
gni'. Ba go' méc
krloh srô' dé' tô
mar kap be' plé' gni'.



Mwa Eva go' tènèng srông
Krlòh srô' dé' Phra' Cav, ba
yoh broom Adaam be' plé'
gni'. Adaam oonvoon go' an
lav sah, "Am! Ô'
ci am tènèng
srông Krlòh
srô' dé' Phra'
Cav."





Mwa Adaam kap Eva ah 'maap, ge
neeng ge hnoong am ah khrwang van tèèp
hngkô'. Tèèng tèèp gaay caak bwwng
tuup, no prsoor loh dé uun da' rum tuup
tang caak kaan pnklé' dé' Phra' Cav.



Da' môôy pswam Phra' Cav go' yoh da'
thin. Ge neeng bwwng nèèv Adaam
kap Eva go' tèèng. Adaam haam
Eva. Eva haam tô mar. Phra'
Cav go' lav sah: "Tô mar go'
rap pooy trvayh. Kap
cmkwn baang gôn
go' hak ci cu'
kloong hmoong

hrñwam
da' ñaam thi
keet koon."



"Adaam, yoor sah ge ah 'maap,
pté' ci rap pooy trvayh gaay
caak rum crla'. Ge ci
hnguvaay thuk hrñwam
kap ah ôm h'ool tang ah
sngbe' sngmah jwmmw."



Phra' Cav go' oor Adaam
kap Eva hlian nook thin
gni'. Yoor sah no ah
'maap, no du' hlian nook
jua Phra' Cav
go' phôôt
trnèèm!





Phra' Cav go'
tèèng môôy kmong bah
tloot yoh hmwan tang yoh
khraang no. Phra' Cav go'
tèèng tèèp yo' Adaam
kap Eva. Phra' Cav go'
tèèng tèèp thi géét hmeh?



Da' ñaam thi gi, Adaam kap Eva go' keet
meh môôy hmu' gaang. Koon sndraan meh
cmbro' dé' no, Cain, meh môôy gôn tènèng
thin. Koon cmbro' baar dé'


no, Abel, meh
môôy
gôn liang
tô kè'.



Môôy mw, Cain go' phrak Phra' Cav dèk plé'. Abel go' phrak Phra' Cav bwwng tô kè' le' tkbôôk rôôk krséér. Phra' Cav hak bo hrñwam maak ñak Abel.



Phra' Cav am hak bo hrñwam
maak ñak Cain. Cain go' giat.
'Nay Phra' Cav go' lav sah,
"An ge tènèng nèèv grop, ge
ci am bwan ñoom rap bo'?"



Cain toong yoh giat. Hôôc
da' hré' hrna, ge léév phaan
Abel - kap phaan Abel!



Phra' Cav go' maañ Cain sah. "Hèèm
cmbro' dé' ge, Abel yat da' me'?"
"Ô' am neeng," Cain go' lav
laak. "Ô' meh gôn raksa
hèèm cmbro' dé' ô' bo'?"




Cain go' rap bwp thôôt dé' Phra' Cav lèèv
ge am neeng tèèng thin kap Phra' Cav go'
loong lwam ge keet meh môôy
gôn yat lu'-lu' tmkôông.



Cain go' hlian nook pnklé' dé' PHRA' CAV.
Ge go' dwang ya' môôy koon cmkwn dé'
Adaam kap Eva. No go' keet
meh môôy hmu' gaang.



Hôôc, bwwng koon dé' Cain go'
keet meh maak hmu' gaang da'
kung ge go' keet meh.



Da' ñaam thi gni', hmu' gaang dé' Adaam
kap Eva go' kdwang lèh-lèh.
Mw gni', Koon Mnut blwar
jan lwwn maak jua hmmé'.



Mwa koon cmbro' Séét go' bwan
keet, Eve go' lav sah: "Phra' Cav
go' phôôt trnèèm Séét yo' ô'
tang guut kluang dé' Abel."



Séét meh môôy cmbro' gôn
dwwm Cav, blwar 912 nwm
kap ah maak koon.



Da' lôôk gi, Koon Mnut go' sua lwwn
mwa ah peeng hmmé'. Da' knswt,
Phra' Cav go' matti' tôk-lông
haan Koon Mnut kap lôôc
jwm rnjôh kap
tô siim.



Phra' Cav pnhla hrñwam hôoc gaay
srô' yoor sah ge go' keet meh
Koon Mnut. 'Nay ah môôy
gôn tèèng hak bo hrñwam
Phra' Cav



Cmbro' gôn gi meh Nôa. Môôy peeng
hmmé' dé' Séét, Nôa meh gôn
le' kap am ah 'maap. Ge yoh
broom Phra' Cav.



Ge go' 'mook soon pé' koon cmbro'
dé' ge neeng méc krloh srô' dé' Phra'
Cav. 'Nay kh'ni' Phra' Cav ah
root hrlo' trget
broom Nôa da'
môôy ôkaat gbang!



Tang ngwan toong rwng thuk
thoramaan dé' Koon Mnut

Môôy lwang gaay caak Krloh srô' dé'
Phra' Cav, Phra' kham

bwan guuñ yat da'

Tang ngwan 3-6

"Ngoor dé' Krloh srô' go' oor da'
sèèng trbah." Phra' kham 119:130



Da' knswt



Lwang Phra' kham gi mook í neeng ñak Phra' Cav
hnam jông, Ge keet í kap meh Ge cu' an mé neeng
ñak Ge.

Phra' Cav neeng í tèèng bwwng lwang sua, Ge lav
meh 'maap. Bwp thôôt yo' 'maap meh haan, 'nay
Phra' Cav yo' ô' rak mé maak Ge go' srông koon
cmbro' knmôôy gôn dé' Ge, Phra' Yésu, haan da'
s' oong klnèng kap bwp thôôt yo' 'maap dé' mé.
Hôôc Phra' Yésu reh caak haan kap na go' vér
gaay svan 'moon le' 'moon sm'maay! An mé dwwm
Phra' Yésu kap khro an Ge hrlo' klwyh hrlo'
'maap, Ge ci tèèng lwang thrgi! Ge ci go' yoh da'
kap yat broom mé gay kap mé ci yat broom Ge
am laac yoh 'môôy bat.



An mé dwwm gi meh srme',
yoh maañ Phra' Cav sah:

Naay eey!, Ô' dwwm Ge meh Phra' Cav, kap ci meh
gôn haan yoor sah 'maap dé' ô', kap 'nay kh'ni'
Ge reh caak haan. Khro an Ge yoh da' blah ô' kap
hrlo' klwyh hrlo' 'maap dé' ô', lèèv ô' ah jua
hmmé', kap môôy mw hmeh ci bwan yat broom Ge
am laac yoh 'môôy bat. Khro an Ge tèèng hmeh
yo' ô' méc krloh srô' dé' Ge kap blwar yoor sah
Ge meh koon dé' Ge. Amen.

Aan Phra' kham kap maañ Phra' Cav jwmmw!
Yôhan 3:16

